

續修陝西省通志稿

第八十八冊

卷一百七十一至一百七十二

續修陝西通志稿卷一百七十一

紀事五

平定回捻三

同治三年正月丙午多隆阿奏彙報各路軍務見籌攻勦情形奉諭盤屋賊糧乏絕已如釜魚阱獸該將軍病已漸痊著俟積雪消融即督飭穆圖善等實力進攻務將藍逆全股一律殲除以便移兵漢南與劉蓉會師進勦前據劉蓉奏川援各軍分駐青石關梅子壩一帶屢次獲勝賊亦不復南犯惟因地勢高峻冰霰堅凝糧運不繼不得已退紮西河口等處賊亦退駐新集油坊街老巢未言賊踞青石關要隘或我兵旣退之後賊匪乘虛踞險連日情形若何如何進兵奪隘之處著劉蓉妥籌進紮相度機宜迅速馳奏商南股匪竄至山陽鄖西交界之漫川關著嚴樹森嚴飭梁作楫

一軍會同李雲麟所派兩營分路夾擊不准再有蔓延陳大濬等
股分擾南陽屬境潼關爲全陝門戶該將軍必須派兵嚴防勿稍
疏失 癸丑飭陝西湖南按月籌撥銀兩接濟劉蓉軍需 辛酉
飭撥山西河東鹽課銀十萬兩用備陝西軍餉 丙寅多隆阿奏
甘肅兩當徽縣口逆有出寶雞山口分援盤屋之說檄調陶茂林
軍由汧陽折回鳳翔進勦在雨門鎮二嶺關等處擒斬甚夥惟該
匪見竄草涼驛通衢要路隨在可以分竄奉諭著即督飭陶茂林
認真截勦毋任回竄漢中致滋蔓延盤屋一城何以久未攻克該
城一日不拔則該大臣各軍不免爲所牽掣著即激勵將士奮力
進攻迅拔堅城毋再延誤一俟屋盤攻拔該大臣即統率大軍馳
赴漢南勦洗逆氛廓清全陝春色已深秦中應已晴霽著張集馨
選派妥員分路籌辦各營糧草勿令缺乏

平定關隴紀略云三年正月漢南賊欲年

絕由十三花日竄渡至江鎮經安之老麟屋巖退分北路入賊由義之縣雲蓋寺等處副將不
林謝將正至球折竄兵糖坊民口團據勦所之獲未奸克細曹供逆稱該竄逆至欲郡援縣之屋嘴頭聞軍勢茂
阿盛派不弁敢偵出山該欲逆竄兩股江一口東走石鎮逆安餘黨一藍逆江夥口匪其前隊等已語至多金隆
有鎖口橋逆距窺省伺僅距二百里據十鄠餘縣里稟報隆該阿縣因調長安隊回防之省城張橋集亦
盤聲與大署軍將相聯絡與阿署逆藩司林壽圖近陳西安府呂儁孫安籌防守與
陝後隊未去向踞甯

丁卯劉蓉奏官軍進紮甯羌探聞漢郡各賊修葺

城垣爲負隅抗拒之計中旗與曹逆竄踞畧陽之郭家壩等處窺伺漢南後路見會商周達武併力夾擊請令多隆阿派撥曹克忠一軍前赴留壩會勦並請飭李雲麟於商州解圍後仍即折回茶鎮奉諭中旗口逆與曹逆圍攻秦州未得逞志復竄畧陽之郭家壩等處若官兵進趨漢南恐該逆伺我後路諸多牽制著劉蓉迅即會商周達武派兵併力夾擊先將此股勦滅則昭廣一帶防兵

均可撤赴漢南以益兵力見在各防布置已定營務整頓初完該撫當激勵諸軍尅日前進馳赴漢南實力勦辦務將被陷各城一克復若再遲延恐該逆盤踞日久根柢愈深彌難著手曹克忠進攻麟遊一帶能否調赴留壩之處著多隆阿酌辦李雲麟前奏進擣西鄉並派兵留守新舊兩城與劉蓉晤商會勦並未折回商州著劉蓉於馳入陝境後飛速知照該京卿會師合勦分路堵截以期迅殄逆氛廓清全境 庚午李雲麟奏漢中賊黨分南北中三路盡力東趨一由石泉漢陰出興安而至鄖陽一由西鄉出紫陽甄坪平利而至竹山一由甯陝出鎮安而至商州皆於河南之南陽湖北之襄陽一帶會齊臣已將興安防守事宜布置隨即馳赴石泉維時中路股匪欲由茶鎮等處偷渡過江經水師奮勇截回北路之賊已由洋縣渡江擾至甯陝其西鄉踞逆亦欲由瓦房

店梅湖而出紫陽已派遊擊金殿安等進紮紫陽西鄉交界之瓦房店梅湖督團堵截而自率各營親兵紮石泉迤北之饒峯嶺相機截勦奉諭口逆東下勢甚猖獗李雲麟所部無多恐不能十分得手見在漢南所屬勢必空虛著劉蓉迅由甯羌進兵先收復漢中郡縣並分兵接應李雲麟以防疏失李雲麟見紮饒峯嶺地當石泉甯陝之交既可固中路門戶亦可截北路竄匪地勢已得亟應分投扼截出奇制勝並須兼顧興安之防如兵力不敷即咨多隆阿劉蓉調撥以資得力張集馨著即督飭地方文武實力防勦如有兵勇可撥並須撥防商州要隘勿令寇氛四竄多隆阿前奏盤屋即可得手何以至今尙無信息著即嚴飭穆圖善等設法攻克以便分兵勦洗口逆此股逆衆既有由河南南陽湖北襄陽一帶會齊之謠官文嚴樹森張之萬當各飭派出防兵切實遏截勿

令闌入本境如能派兵出境會秦師夾擊更為上策該督撫等其

慎固封守兼顧鄰疆不得強分畛域

陝府各路因逆金黨東圍下陝西巡撫劉約荅偵知派於令提督月何勝傳必蕭令慶高在

一等日督兵堯曾克勝年正月由牟家壩日進擊法慈院賊巢斃賊四五千餘名十

直入薄漢中路府殺逆首聞一千餘人當集將即府城出克復官逆軍乘向東北奔逸關

壩其中橋逆匪竄往節城進剿一帶與斃踞數千名股逆亦經復官軍連日在廳牟家

月經初四將及謝初九球擊退撤動東南去漢縣志及痛定思痛錄均云賊仍於正

逆有官軍已破法慈院賊巢及克復漢郡之戰續疑據當時告著口或匪口

實紀因略而書未察其 二月壬申張集馨奏漢中收復逆匪紛竄奉諭

賊分三股出竄漢中留壩收復是否為賊所棄劉蓉進兵甯羌而

漢郡褒沔已無賊蹤所部各軍自應覘賊所向隨時調遣於有賊

之處繞出賊前攔頭截擊或緊躡跟追與李雲麟及所派往紫陽

西鄉交界之遊擊金殿安等軍前後夾攻即著該撫籌定機宜與李雲麟聯絡調度張集馨所奏據各屬地方稟報賊竄甯陝而至鎮安並由洋縣渡河徑奔孝義廳境肆行焚掠等情乃係李雲麟昨奏賊竄三路中之一路惟甯陝係省城門戶賊之北竄深屬可虞江口及金鎖橋距省非遙已有賊蹤其鄆縣之梁家橋地方更近亦有賊窺伺且爲多隆阿大營後路著多隆阿將甯陝等處竄賊分兵截勦保全省城重地毋令賊得乘虛撲犯省城內外防禦著張集馨嚴密籌備其所稱調回大峪口馬隊及該署撫所練省兵豫爲籌布暨城中稽查儲積各事宜均須與德興阿等實力辦理以備不虞並嚴飭各屬地方激勵民團齊心抵禦力行堅壁清野之法使賊所至罔可掠食勦辦自易得手漢中收復情形究係如何著劉蓉查明據實具奏前有甘省兩當徽縣匪徒欲竄由鳳

縣以擾秦疆並著該撫隨時兼顧毋令賊得突越以與漢南出竄之匪潛圖蔓結李雲麟駐軍饒峯嶺兼顧興郡之防務須乘賊窮竄將甯陝石泉兩路逆氛嚴行截勦並飭金殿安等軍迅由紫陽西鄉一帶截勦南路之賊迅圖掃蕩仍隨時與鄂豫兩省聲息相通聯絡接應以杜賊匪竄越之謀 乙亥張集馨奏湘果各軍已於正月十一日克復漢中郡城口逆竄至西鄉石泉地界屢撲甯陝廳城均經在城官紳兵勇擊退該逆見由東河賈家營向鎮安而去晝夜行走勢不停留已飛咨湖北河南各督撫一體嚴防奉諭漢南口逆全股東趨意圖竄擾楚豫爲回救金陵牽掣官軍之計其謀甚狡豫省兵力單薄張總愚一股尙未就殲若爲口逆勾結勦辦必更棘手僧格林沁布置皖省事宜已否周妥著即督兵進紮南陽一帶迎頭截勦鎮安接壤鄖襄該逆前次本有會兵襄

陽之說不可不豫籌防範著官文嚴樹森添派勁兵前赴鄖襄探蹤迎勦毋稍大意陝西省城防務雖鬆張集馨仍當隨時偵探如城固西鄉之賊竄近子午峪各口即著溫德勒克西等痛加勦洗盤屋連日進攻甚急夜不撤隊諒可得手多隆阿務當激勵將士迅復堅城以便分兵策應顧全大局

平定關隴紀略孟擊

口逆匪由商州之塔寺溝降斬多生擒五十餘名訊係偽齊王久餘匪由留仙坪東竄龍駒寨分股另走山陽銀花縣知縣王

安縣集民團駐防青石峽該逆懼而回竄其時東來捻逆已至盧氏縣之漫川鎮又據孝義廳同知呂紳稟稱自正月二日至

二月十五日漢南竄匪漫山遍野晝夜不停衆約十餘萬幸野無所掠悉向鎮安竄去計前後二十餘日紳團守城防卡捐資堵禦

勞困已極按關隴紀略所載與諭旨情形頗同而較爲詳細且無賊犯商州事故錄之 丁丑諭劉蓉奏收

復漢中賊匪東竄情形與張集馨所奏大畧相同該逆因蘇州克復意圖回援金陵率衆東竄行走甚疾川軍甫抵漢中城固而逆蹤已及漢陰石泉勢必一由山陽商雒以趨豫省一由興安一帶

以窺鄂疆若令竄出山險勢必紛擾蔓延劉蓉務宜督率諸軍星夜東下乘勢追擊一面飭令李雲麟迎頭扼截毋稍鬆勁並著王文嚴樹森飭令襄鄖在防將士嚴扼要隘仍添派勁旅馳往策應以厚兵力豫省與陝西商雒交界地方即著張之萬添籌兵勇鼓舞鄉團嚴扼山險毋令賊蹤竄入如楚豫不能堵截任賊長驅視其竄擾何省惟何省督撫是問儻前截而後不能追惟劉蓉李雲麟是問 戊寅予陝西陣亡參將周加明祭葬世職 庚辰劉蓉奏官軍大破上元觀賊壘連克城固洋縣兩城見籌分路進勦奉諭逆匪陳德才黨與盤踞上元觀而漢中等處匪股出與合併希圖抗拒經劉蓉督率官軍痛加勦擊大破上元逆壘乘勝連克城固洋縣兩城軍威頗振惟城固敗竄之賊多往西鄉一帶藍逆餘黨復竄華陽勢將逕趨盤屋以圖合併劉蓉見飭何勝必蕭慶高

等各營由西鄉一路跟蹤躡勦著即督飭步步緊躡乘賊喘息未
定將此股餘賊勦滅淨盡盤屋一城何以尙未得手曹燦章一股
又由鳳縣所屬黃牛鋪一帶敗竄郿縣著多隆阿嚴飭陶茂林所
部乘勝追擊與劉蓉派往親兵英毅各營合力掃蕩張集馨前奏
賊至西鄉石泉地界屢撲甯陝廳城經在城官紳兵勇擊退由東
河賈家營向鎮安而去晝夜行走勢不停留見已竄往何處是否
即係何勝必等從後追勦一股劉蓉李雲麟務須嚴督所部悉力

窮追

元平定觀賊口壘正紀月略十漢六日既何克勝逆必衆分路竄逃各軍躡勦直抵兵

兜擊

會殺逆匪千餘拋擲火彈焚燬逆壘餘賊向焚城固縣賊逃壘蕭慶

多當

將率隊奮攻梯城克復蕭入慶衆驚潰紛勝進東南奔竄官軍環攻並甚

衆潛

驚遣精銳自銳相入踐城設伏乘夜舉火爲號各軍奮勇登城呼聲動地逆

賊陽

及一路竄走復固洋縣兩城池克復亦據當口匪紀略所載以上元觀破

乙酉多隆阿奏整屋城身甚厚賊守甚堅官軍連日併力進攻受傷至三千餘人之多仍未得手諭著多隆阿迅即相機妥辦趕緊攻克以期轉敗爲功 庚寅李雲麟奏收復西鄉縣城藍二順一股折竄洵陽之蜀河其啟逆一股因石泉有備仍折回甯陝邱逆亦率黨北趨併歸一處已由鎮安至西鄉之子午汎首尾不斷綿亘三百里興安上下均形喫重分派水陸各軍絡聯鄉團嚴密防守奉諭著劉蓉速飭何勝必蕭慶高督勇前進緊躡賊蹤務與李雲麟會合兜勦就地殲除 庚子張集馨奏漢中口逆竄撲甯陝廳城自正月初八日至二十六日賊衆盤踞城外附近一帶窺伺城垣均經該廳文武督兵集團屢次擊退此股係羅逆及僞扶陳逆不下十餘萬賊僞端藍逆斷後其僞啟增諸逆黨約二三十萬人均於二十六日夜間由賈家營梁家堡分竄鎮安縣孝義廳各

境又西鄉另股馬逆二萬餘人於二月初一日由石泉銀杏壩續竄關口亦由賈家營東竄甯陝廳境已無賊蹤由子午谷直至省門一律安靜該廳文武紳團相持一月之久卒能擊退大股逆匪尙屬出力奉諭著劉蓉迅即查明奏獎此股逆匪志在回援金陵日夜東竄亟須力籌堵截劉蓉督兵追擊見在行抵何處李雲麟扼紮石泉何以任令馬逆一股竄向關口由賈家營東去見在進剿情形如何迅即馳奏並著繞赴賊前奮力堵截所有商維潼關等處仍由多隆阿檄飭在防各軍嚴密扼守其子午谷及西安省防仍應加意備禦甯陝廳屬團練張集馨不可遽令解散盤屋圍攻日久迄未克復以致全局爲賊所牽多隆阿初膺簡命銳不可當近來何以頓兵縣城日久無功殊不可解著即速行設法攻拔毋再遷延 三月壬寅多隆阿奏攻拔盤屋外城受傷請假又奏

攻克整屋縣並傷重調治奉諭整屋城小而堅米糧頗足藍逆以積年巨憝拚死負隅多隆阿督率兵勇晝夜圍攻奮不顧身竟將堅城攻拔具見忠勇過人惟該大臣頭眼俱受槍子尙未取出曷勝塵繫本日已賞假調理並由內府發去如意拔毒散四料以資敷治伊子雙全已寄諭黑龍江將軍令其傳知赴營隨侍並命其馳驛其欽差大臣關防准其交穆圖善暫行護理督辦軍務即督令將整屋餘匪悉數追捕毋留餘孽

先是多隆阿於正月二十六日約諸軍大舉至城下

進攻城上矢石如雨我軍裹創冒險而登自辰而午逆衆抵拒營官蕭河清張洪元俱受重傷將士憤甚不分雨夜連攻數日抗

身開挖地道二月初二日營鼓勇明而諸軍相繼地雷爲號官分路而定邦等不意城

極重幾至東手無策兵勇傷至三百人出東門守禦之軍堅爲賊百餘所罕見而圖竄亦愈甚十餘日率數百人出東門守禦之軍堅爲賊百餘所罕

回挖竄地道自是每夜輒有轟開百丈出我軍均未得逞而進軍戰於四將

嚴守正城力賊攻攢斃多隆阿在城礮臺上執知鼓督於外攻城賊修築內卡防守更

多隆阿頭眩受傷不能速令交連欽差關防不准西安副都統後穆圖善過	暫行署理督辦軍務而善統步軍急在西南北環城上賊以四門力嚴密拒遏	而我賊衆驚慌於奔突均被填壕殺其樁得梯而出又經大馬隊追斬我軍斃一黃擁	偽衣都護藍多三名順當藍將七縣順藍克十復三順擒偽藍十賢四順藍朝元藍朝洪發藍朝洪	忠先李鋒天順忠袁貴大郭昌貴王生春劉發黑蕭虎老五興陳漢老賈福林榮及小頭成目順方朱先勝元	等投八誠之餘會庶全等二民百餘人各分營別搜捕遣兩自咸豐十九年藍收大隊順其與先	李章短節搭節搭在蕩雲李南昭通擒而聚衆逆竄陝佔據全川縣連陷佛坪褒督駱	惟藍餘逆屍蓋未得訊富之竄而賊踞其詞以各異要城之黨此羽全除雖倖人免心亦大無快	至能是為捷役聞矣
-------------------------------	--------------------------------	-----------------------------------	--	--	---------------------------------------	-----------------------------------	---------------------------------------	----------

己酉上諭多隆阿藍屋既復藍大順巨逆是否殲斃

抑係脫逃著穆圖善等將該逆下落查明及藍屋餘匪一併認真搜捕毋令漏網漢南口逆下竄前隊已入豫境擾及內鄉之巡檢司等處後隊仍在龍駒寨一帶南陽情形喫緊該大臣見飭藍斯

明扼紮商州飭劉漢秀扼守潼關以防西竄所籌尙屬周妥此股賊勢甚剽疾並有水路之賊自漢沿江直下以犯鄖陽劉蓉李雲麟當懷遵前旨督軍痛勦越境窮追並會合多隆阿一體分兵嚴行截擊與楚豫官軍聯絡夾勦痛殄逆氛毋得以驅賊出境爲了事 庚戌命欽差大臣西安將軍多隆阿督辦陝西甘肅兩省軍務 辛亥劉蓉奏漢南踞匪東竄前隊扶端各逆曾竄往商南淅川一帶後路馬啟各逆伺間圖犯興安經李雲麟調兵截勦馬逆一股狂竄而北其啟逆餘黨及石逆中旗一股亦經官軍擊敗竄入鎮安興安以西始就肅清惟藍逆二順一股欲由蜀河偷渡回川經澄漢水師各軍擊走退紮雙河口一帶李雲麟擬將藍逆破滅再行東下追賊曹燦章與洋縣賊匪竄合之後游弋於佛坪地方繞入老林時窺寧陝見飭湘果營扼要堵勦奉諭藍逆二順一